

في تونس

(1) بجار 25 اوت ثمة 7 خدامة ماتو وبشرية تجرحو في المناجم متاع الرديف وام المراسين . موتهم سبببتها الديناميت الي يستعملوها باش يخرجو الفسفاط من الجبل .
في الخدمة هذي ثمة برشة غلط لكن الادارة عمرها ما غيذات الاجرائات اللازمة باش تحي العمال من الحوادث الي يتعرضولها ، ومجروحو الي كمل يوم تصير حوادث شغل و عدد الموتى كثير ياسر .
الموت متاع الخدامة سبب غيب كبير في وسلا عائلاتهم الي هبوا مع برشة ناس اخريسة للميتن يتصايحو ويتعاطفوا . والخدمة هومة :
- المكي لعبيدي ، 45 سنة ، محرس ، معدو 8 صغار .
- محمد بن عمر المنزاوي ، 36 سنة ، محرس وععدو 5 صغار .
- محمد بن بيبيكر بلخير ، 32 سنة ، محرس .
- سعيد بن محمد بن سعيد ، 40 سنة ، محرس وععدو 6 صغار .
- محمد بن رجب المنزاوي ، 50 سنة ، محرس وععدو 5 صغار .
- محمد بن علي لكحل ، 42 سنة ، محرس وععدو صغير .
ثمة 3 منهم ما تلقوا الجثث طاعهم كان بعد نهارين والا ثلاثة .

(2) عمال سبك الحديد متاع صفاقس شنوا اضراب نهار 22 اوت بالبوفيه بتعديت قانون اساسي ، وقفوا الاضراب بعد نهارين وقت الي الادارة وعدتهم باش تنفذ لهم مبالغهم .

(3) 17 مناضلين ثوريين وديموقراطيين مشدودين في الحبس من وقت حوادث فيفرن ، معاهم احمد بن عثمان الرداوي الي هو مشدود من افريل 71 على خاطر كتب مقالات في جريدة العامل التونسي والمناضلة دليلة بن عثمان الي عذبها ياسر البوليس ، باش يتعذر قدام محكمة حفا 8 امن الدولة نهار 16 سبتنجر وباش يعتمدوا معاهم قرابة العشرين اخريسة في حالة حرية وقتية .
الاتهامات الموجهة ضد هم هي : تامر على امن الدولة الداخلي ومعاودة تكوين منظمات ميسقية .
في حملة المربوطين ثمة مناضل تونسي يهودي وجهتلو الحكومة تهمة تحاول بسيا تشويه وتشويه مناضلين حركة فيفرن بكلمهم في عينين الشعب . والتهمة هي كونو عميل صهيوني . وهنزي الحكومة تحاول تستعمل الكره الشرعي متاع الشعب للصهيونية باش توسخ المناضلين الثوريين .

في الهجرة

في شهر اوت بدأت الحكومة الايطالية حملة ضد الهجرة التونسية وطردت من ترابي في سيسيليا 24 تونسي . نهار 20 اوت زادت طردت 57 اخريسة ونهار 25 ، 67 تونسي جايين لترابي في حالة صحية مشومة ياسر نظرا للجوع والفقير الي ثمة في بلادنا ، وقع طردهم من البرد . وهذا ما نستغربو من وقت الي نعرفو الي حتى الحكومة الفرنسية تستعمل في نفس الطرق باش تنقص من حقوق العمال المهاجرين وباش تستغلهم اكثر وتحملهم بصيفة مستمرة تحت نفوذ الشرطة والاعراب الفرنسيين و الحاليت تبلي في نشرة الوزير السابق للعمل ، فونتاني ، الي باش تبدا تتطبق بصيفة رسمية من نهار 15 سبتنجر الجاني .

نهار 2 اوت 1972

الليغا المنسل